


# KANTONALNO TUŽITELJSTVO ZENIČKO-DOBOJSKOG KANTONA

## GODIŠNJI IZVJEŠTAJ O RADU ZA 2017. GODINU



TRG BIH BB, 72000 ZENICA

**GODIŠNJI IZVJEŠTAJ O RADU**  
**KANTONALNOG TUŽITELJSTVA ZENIČKO-DOBOJSKOG KANTONA**  
**ZA 2017. GODINU**



Zenica, 31. januar 2018. godine

## Sadržaj Izvještaja

I - UNUTRAŠNJA ORGANIZACIJA I KADROVSKA OSPOSOBLJENOST TUŽITELJSTVA .....	4
II - OSTVARENJE NORME.....	9
III – OSTVARENI KVALITET RADA TUŽITELJSTVA.....	10
IV – AKTIVNOSTI I RAD TUŽITELJSTVA.....	11
IV-1 Prijave.....	11
IV-2 Istrage.....	16
IV-3 Optuženja.....	20
IV-4 Sporazumi.....	21
IV-5 Pritužbe.....	22
IV-6 Sudske odluke.....	22
V- RIJEŠENOST PRIJAVA I ISTRAGA.....	24
VI – MALOLJETNIČKI KRIMINAL .....	25
VII - PREDMETI KTA .....	27
VIII – PREDMETI KTN - NEPOZNATI POČINIOCI .....	27
IX - AKTIVNOSTI NA RJEŠAVANJU PREDMETA IZ RANIJIH GODINA .....	28
X - AKTIVNOSTI PO PREDMETIMA IZ OBLASTI RATNIH ZLOČINA.....	29
XI - AKTIVNOSTI PO PREDMETIMA PRIVREDNOG KRIMINALA .....	31
XII - OBUSTAVLJENI POSTUPCI ZBOG ZASTARJELOSTI GONJENJA.....	32
XIII- ZADUŽENJE TUŽITELJA.....	33
XIV – SUDSKE ODLUKE.....	34
XV - R E Z I M E.....	35
XVI - PLANIRANE AKTIVNOSTI ZA NAREDNU GODINU .....	37

## I - UNUTRAŠNJA ORGANIZACIJA I KADROVSKA OSPOSOBLJENOST TUŽITELJSTVA

Kantonalno tužilaštvo-tužiteljstvo Zeničko-dobojskog kantona (u daljem tekstu: Tužiteljstvo) uspostavljeno je Odlukom Visokog sudbenog i tužiteljskog vijeća Bosne i Hercegovine na sjednici održanoj 28.01.2004. godine, i kao samostalan i nezavisan državni organ ima osnovni zadatak na otkrivanju i gonjenju učinitelja krivičnih djela, kao i da vrši i druge Zakonom određene poslove. Poslove iz svoje nadležnosti Tužiteljstvo obavlja sa tužiteljima, državnim službenicima i namještenicima.

Osnovna funkcija Tužiteljstva, kao državnog tijela, je da preuzima Zakonom određene radnje u cilju otkrivanja i gonjenja učinitelja krivičnih djela, da preuzima Zakonom određene mjere za zaštitu interesa zajednice, zaštite ljudskih prava i sloboda, da vrši i druge poslove određene Zakonom o Kantonalnom tužilaštvu-tužiteljstvu Zeničko-dobojskog kantona.

Tužiteljstvo svoja ovlaštenja obavlja na osnovu Ustava i Zakona, Međunarodnih ugovora koji su ratificirani i dio su pravnog sistema BiH, kao i drugih propisa koji su doneseni u skladu sa Zakonima.

U vršenju svoje nadležnosti Tužiteljstvo poduzima sve potrebne mjere i radnje na zaštiti ljudskih prava i sloboda utvrđenih u Ustavu BiH, Ustavu FBiH i Ustavu Zeničko-dobojskog kantona, kao i osnovnih ljudskih prava sadržanih u Evropskoj konvenciji o ljudskim pravima. U skladu sa gore navedenim odredbama Kantonalno tužiteljstvo je ostvarivalo suradnju sa predstavnicima nevladinih organizacija koje se bave pitanjima istraživanja i zaštite ljudskih prava i sloboda.

U obavljanju poslova i zadataka koji proizilaze iz Zakona o krivičnom postupku, Tužiteljstvo je osiguralo brzo i efikasno provođenje krivičnog postupka, kako bi se osiguralo da se na zakonit i efikasan način donose tužiteljski akti, kako u toku istrage tako i u daljim fazama postupka, koliko su to dozvoljavale objektivne okolnosti u kojima djeluje ovo Tužiteljstvo.

Tužiteljstvo je tokom 2017. godine, posebnu pažnju posvetilo:

- Zakonitom vršenju poslova i zadataka;
- Provođenju Strategije o procesuiranju predmeta ratnih zločina;
- Provođenju Strategije o procesuiranju krivičnih djela organizovanog kriminala i korupcije i krivičnih djela privrednog kriminala;
- Rješavanju strateških ciljeva iz Plana i programa rada za 2017. godinu, i to:
  - Smanjenje broja neriješenih KT predmeta starijih od dvije godine;
  - Smanjenje broja neriješenih KTA predmeta starijih od dvije godine;
  - Skraćivanje prosječne dužine trajanja predmeta;
  - Povećanje omjera osuđujućih presuda u odnosu na broj podignutih optužnica;
  - Smanjenje omjera uvažanih u odnosu na uložene pritužbe na negativne odluke;
  - Smanjenje broja neriješenih prijava;
  - Smanjenje broja neriješenih istraga;
  - Smanjenje broja ispitanika koji imaju negativnu percepciju o radu Tužiteljstva;
  - Povećanje broja komunikacijskih kanala;

- Razvijanju suradnje sa policijskim agencijama i ovlaštenim službenim licima,
- Kvalitetnom obavljanju istražnih radnji;
- Jačanju materijalno-tehničkih kapaciteta Tužiteljstva;
- Stručnom usavršavanju nositelja tužiteljske funkcije, državnih službenika i namještenika Tužiteljstva;
- Blagovremenom i objektivnom izvještavanju javnosti o aktivnostima Tužiteljstva,
- Poduzimanju potrebnih aktivnosti u vezi praćenja i realizacije vremenskih rokova za postupanje u predmetima.

U ovom Tužiteljstvu, od osnivanja do danas, rad je organiziran kroz dva Odjela i to: Odjel I (Odjel za ratne zločine, privredni kriminal i korupciju) i Odjel II (Odjel za opći kriminal, imovinske delikte, saobraćaj, krvne i seksualne delikte i maloljetnike).

Odjel I čine tri odsjeka: (1) Odsjek za ratne zločine, u okviru kojeg, zbog smanjenog broja predmeta ratnih zločina, postupa jedan tužitelj i (2) Odsjek za privredni kriminal, gdje je postupalo sedam tužitelja, te (3) Odsjek za koruptivna krivična djela, koji je formiran u maju 2017. godine i u kojem je takođe raspoređeno sedam tužitelja, uključujući jednog tužitelja koji je počeo sa radom u januaru i jednog novoimenovanog tužitelja koji je počeo sa radom u septembru 2017. godine.

Odjel II čine tri odsjeka: (1) Odsjek za imovinske delikte i saobraćaj, u kojem postupa pet tužitelja i (2) Odsjek za krvne i seksualne delikte i drogu, u kojem takođe postupa pet tužitelja, uključujući dva tužitelja imenovana u toku 2017. godine (januar i april), te (3) Odsjek za maloljetnički referat u kojem tri tužitelja u postupcima u kojima su izvršitelji krivičnih djela maloljetna lica, kao i postupcima u kojima se maloljetnici pojavljuju kao oštećena lica, postupaju u skladu sa odredbama Zakona o zaštiti i postupanju sa djecom i maloljetnicima u krivičnom postupku.

Odjelima rukovode Zamjenici glavnog tužitelja, a odsjecima Šefovi odsjeka.

Ovo Tužiteljstvo postupa pred šest Općinskih sudova i Kantonalnim sudom u Zenici. Jedan Općinski sud i Kantonalni sud, su smješteni u sjedištu Tužiteljstva, u Zenici, dok se ostalih pet Općinskih sudova, kao i odjeljenje Općinskog suda Zavidovići u Maglaju, nalaze izvan Zenice i to na relaciji do Tešnja (udaljenost oko 100 km od Zenice) do Visokog (udaljenost oko 60 km od Zenice). Svaki od ovih sudova ima po najmanje trojicu sudija na krivičnom referatu, koji uglavnom ročišta i pretese zakazuju u isto vrijeme, pa svaki dan iz Zenice putuje najmanje polovina radno aktivnih tužitelja, radi urednog postupanja pred sudovima.

Sve navedeno ukazuje, a kako smo već isticali i tokom prethodnih izvještavanja, na prijeku potrebu osnivanja odjeljenja ovog Tužiteljstva van sjedišta Tužiteljstva, što do danas nemamo, a što je predviđeno prema novom Zakonu o tužiteljstvima u Federaciji Bosne i Hercegovine (koji još nije usvojen). Predviđeno je da odjeljenje bude u Visokom, što je vjerovatno, u vrijeme rada radne grupe bilo optimalno rješenje. Međutim, kako je prošlo dosta vremena, te su se izmijenile okolnosti pod kojima je isto predloženo, po novoj i realnoj procjeni najbolje i najefektnije bi bilo osnovati odjeljenje za općine: Žepče, Zavidovići, Maglaj, Tešanj i dr.

Ove procjene smatramo opravdanim iz više razloga, a prije svega slijedećim činjenicama: Tužiteljstvo na relaciji prema Tešnju postupa pred četiri suda, pred tim sudovima je veći broj predmeta u zadnje tri godine, znatno je veća udaljenost Tešnja od Zenice, u odnosu na Visoko, lošije su saobraćajnice prema Tešnju, uz činjenicu postojanja autoputa kojim se lakše i bezbjednije putuje do Visokog. Za ovom potrebom Tužiteljstva, u više navrata obavještavan je VSTV, ali je očigledno da se čeka usvajanje Zakona o tužiteljstvima u Federaciji BiH, kojim je predviđeno formiranje odjeljenja ovog Tužiteljstva van sjedišta Tužiteljstva.

Analizom postavljenih ciljeva i zadataka, Planom i programom rada Tužiteljstva za 2017. godinu i Planovima i programima Odjela za ratni zločin i privredni kriminal i Odjela za opći kriminal, može se reći da smo uspješno realizovali zadato, koliko su nam to dozvoljavale objektivne okolnosti u kojima smo postupali tokom 2017. godine, a što se prije svega odnosi na kadrovsku nepopunjenost glede tužitelja, državnih službenika i namještenika, svakodnevnu organizaciju posla (postupanje tužitelja pred pet Općinskih sudova van sjedišta Tužiteljstva), što je sve prepoznato kao nedostatak kroz urađeni Elaborat VSTV-a i odluke VSTV-a o povećanju broja potrebnih tužitelja i usvojenim Pravilnikom o unutrašnjoj organizaciji i poslovanju Tužiteljstva, kojim je povećan broj državnih službenika i namještenika, pa možemo biti izuzetno zadovoljni postignutim rezultatima, posebno cijeneći rad na rješavanju predmeta ratnog zločina, privrednog kriminala i korupcije, te neriješenih predmeta iz ranijih godina.

Tužiteljstvo je, prema Odluci VSTV-a, tokom 2017. godine, trebalo da ima 33 tužitelja na radu, zajedno sa Glavnim tužiteljem, što nije bilo moguće realizovati, tako da je tokom 2017. godine bilo radno angažovano 29 tužitelja, ne računajući novoimenovanog tužitelja koji je počeo sa radom u septembru, a računavajući Glavnog tužitelja, koji ne radi na predmetima (sukladno članku 14. Pravilnika o orijentacionim mjerilima za rad tužitelja u Tužiteljstvima BiH), osim na svim predmetima po uložnim pritužbama na negativne odluke tužitelja. Dakle, isključujući Glavnog tužitelja, stvarni broj tužitelja koji su efektivno radili na predmetima je 27 tužitelja (obzirom da su dva novoimenovana tužitelja koja su počela raditi u januaru, dok je jedan tužitelj počeo raditi u aprilu 2017. godine, te isti nisu postigli punu radnu efikasnost, obzirom da nemaju radnog iskustva u obavljanju tužilačke funkcije), umjesto potrebnih 33 tužitelja.

Budžetom za 2017. godinu bila su obezbjeđena sredstva za upošljavanje 2 nova tužitelja, prema odluci VSTV-a, koji su stupili na posao u aprilu i septembru 2017. godine, dok je angažovanje još jednog tužitelja odobreno krajem godine, te je u decembru raspisan konkurs za još jednog tužitelja, čije se imenovanje i početak rada očekuje u prvoj polovini 2018. godine, kada će Tužiteljstvo imati ukupno 31 tužitelja na radu, uključujući i Glavnog tužitelja, čime će još dva upražnjena mjesta ostati nepopunjena do punog kapaciteta predviđenog broja tužitelja.

Pravilnikom o unutrašnjoj organizaciji i poslovanju je predviđeno da se za potrebe ovog Tužiteljstva radno angažuje 17 stručnih suradnika, odnosno njih 11 na poziciji stručnih suradnika-istražitelja, od čega je do sada radno angažovano njih 6, dok je 5 istih pozicija još uvijek nepopunjeno, s tim da je u toku konkurs za popunu još 2 upražnjena mjesta na navedenoj poziciji, koja bi trebala biti popunjena u prvoj polovini 2018. godine.

Dakle, ovom Tužiteljstvu tokom rada u 2018. godine nedostajao je angažman 5 potrebnih stručnih suradnika-istražitelja, koji neposredno pomažu tužiteljima u radu, a ukupno je nepopunjenih 12 mjesta državnih službenika, uključujući i Sekretara.

Ovo Tužiteljstvo je od jula 2013. godine uključeno u IPA projekat podrške za rad na predmetima ratnih zločina, u okviru kojeg su ranije bila angažovana dva stručna suradnika koja pomažu postupajućem tužitelju u radu, dok je od septembra 2017. godine angažovan i jedan daktilograf.

Takođe, u okviru potpisanog Memoranduma sa Visokim sudskim i tužiteljskim vijećem iz augusta 2016. godine, a vezano za angažman dodatnog osoblja na rješavanju starih predmeta, u novembru 2016. godine bilo je angažovano, po ugovoru o djelu, pet pravnih suradnika/suradnika za pomoć tužiteljima u rješavanju predmeta starijih od dvije godine, od kojih su, po isteku ugovora u toku 2017. godine, na angažmanu ostala dva suradnika, a u skladu sa potpisanim Aneksima Memoranduma, te novim Memorandumom koji je zaključen u decembru 2017. godine, prema kojem je predviđeno produženje angažmana za jednog pravnog suradnika i jednog suradnika do kraja februara 2018. godine.

U okviru organizacione strukture ovog Tužiteljstva je i Ured Sekretara koji pored pozicije Sekretara uključuje i stručnog suradnika za odnose s javnošću-portparola, kao i stručnog suradnika za poslove uprave (koja pozicija do sada još uvijek nije popunjena, dok je pozicija Sekretara takođe upražnjena od jula 2017. godine i u toku je konkursna procedura za popunjavanje iste), te 46 namještenika, što je nedovoljno prema potrebama ovog Tužiteljstva (obzirom da je sistematizacijom predviđeno da u Tužiteljstvu rade 64 namještenika), a što proizilazi iz objektivno utvrđenih potreba Elaboratom VSTV-a, prema kome je neophodno prioritarno uposliti još tri tužitelja, dvanaest državnih službenika i osamnaest namještenika.

Dakle, kao i u ranijim izvještajnim periodima, i u 2017. godini su bili zastupljeni kadrovski problemi, prije svega zbog kadrovske nepopunjenosti po važećem Pravilniku i odlukama VSTV-a.

U nastavku slijedi tabelarni prikaz predviđenih i popunjenih radnih mjesta po pojedinim pozicijama unutar organizacione strukture Kantonalnog tužiteljstva Zeničko-dobojskog kantona:

<b>POZICIJA</b>	<b>BROJ PREDVIĐENIH RADNIH MJESTA</b>	<b>BROJ POPUNJENIH RADNIH MJESTA</b>	<b>BROJ NEPOPUNJENIH RADNIH MJESTA</b>
<b>TUŽITELJ</b>	33	30	3
<b>DRŽAVNI SLUŽBENIK</b>	19	7	12
<b>NAMJEŠTENIK</b>	64	46	18
<b>UKUPNO</b>	<b>116</b>	<b>83</b>	<b>33</b>

Iz ovih razloga Tužiteljstvo je i tokom 2017. godine nastavilo preduzimati aktivnosti na popunjavanju radnih mjesta predviđenih Pravilnikom o unutrašnjoj organizaciji i poslovanju i Odlukom VSTV-a, kako bi se ojačali kadrovski kapaciteti, što bi trebalo rezultirati efikasnijim radom, posebno glede Strategije za procesuiranje predmeta ratnih zločina koji su preuzeti u nadležnost od Tužiteljstva BiH, Strategije procesuiranja krivičnih djela privrednog kriminala i koruptivnih krivičnih djela. Tužiteljstvo je uspjele tokom 2017. godine zaposliti još dva namještenika, dok je u toku konkurs za popunu radnog mjesta Sekretara, 2 stručna suradnika-istražitelja, 1 IKT stručnog suradnika i 1 stručnog suradnika-šefa pisarnice, te 3 namještenika, ali to nije ni približno dovoljan broj popunjenosti predviđenih radnih mjesta, s obzirom na postojeći obim poslova, ali i imajući u vidu preseljenje u znatno veće prostorije Tužiteljstva, koje objektivno zahtijevaju veći broj angažovanog osoblja. U tom smislu, aktivnosti za popunu nedostajućih radnih mjesta bit će i dalje usmjerene prema VSTV-u BiH, Ministarstvu za pravosuđe i upravu Kantona, te Ministarstvu financija Kantona i očekivati je da se tokom 2018. godine popuni barem određeni dio potrebnih radnih mjesta državnih službenika i namještenika, nakon što se obezbijede materijalna sredstva neophodna za njihovo upošljavanje.

Naravno, ostaje i da se pribave nedostajuća sredstva za uređenje okolnog prostora i prilaza novoj zgradi Tužiteljstva, koje je ostalo neriješeno i nedovršeno, a što očekujemo da će biti realizovano u toku 2018. godine.



## II - OSTVARENJE NORME

Kolektivna norma Tužiteljstva, izračunata na osnovu prosjeka ostvarenih pojedinačnih normi tužitelja, iznosi 102,33%, uz napomenu da su u izračun kolektivne norme Tužiteljstva uzete u obzir ostvarene pojedinačne norme svih 30 tužitelja, od kojih su četiri tužitelja nova u obavljanju tužilačke funkcije, obzirom da su dva tužitelja počela sa radom u januaru, treći u aprilu, dok je četvrti novoimenovani tužitelj počeo sa radom tek u septembru, zbog čega isti nisu uspjeli u potpunosti ostvariti predviđenu godišnju normu od 100%, što i nije realno očekivati s obzirom da se radi o tužiteljima koji su prvi put imenovani na tu funkciju.

Kolektivna norma Odjela I za ratne zločine, privredni kriminal i korupciju iznosi 109,94%, dok su pripadajući Odsjeci su ostvarili slijedeću normu: Odsjek za ratne zločine - 189,70%, Odsjek za privredni kriminal - 110,24%, a Odsjek za korupciju - 98,24%.

Kolektivna norma Odjela II - za opći kriminal, imovinske delikte, saobraćaj, krvne i seksualne delikte i maloljetnike iznosi 91,04%, a pojedinačno po pripadajućim odsjecima ostvarena kolektivna norma iznosi: Odsjek za imovinske delikte i saobraćaj - 84,67%, Odsjek za krvne i seksualne delikte i drogu - 85,03%, te Odsjek za maloljetnički referat - 106,36%.

*Tabelarni prikaz kolektivne norme odjela i odsjeka*

ODJEL / ODSJEK	BROJ TUŽILACA U ODJELU / ODSJEKU	KOLEKTIVNA NORMA ODJELA / ODSJEKA
<b>ODJEL I</b>	15	<b>109,94%</b>
<b>ODSJEK – RATNI ZLOČIN</b>	1	<b>189,70%</b>
<b>ODSJEK - PRIVREDNI KRIMINAL</b>	7	<b>110,24%</b>
<b>ODSJEK - KORUPCIJA</b>	7	<b>98,24%</b>
<b>ODJEL II</b>	14	<b>91,04%</b>
<b>ODSJEK- KRVNI I SEKSUALNI DELIKTI</b>	5	<b>85,03%</b>
<b>ODSJEK - PROMET I IMOVINA</b>	5	<b>84,67%</b>
<b>ODSJEK - MALOLJETNICI</b>	3	<b>106,36%</b>

Najveća ostvarena pojedinačna norma iznosi 189,70%, dok najmanja ostvarena pojedinačna norma iznosi 30,27%, s napomenom da se radi o preračunatoj normi za vrijeme provedeno na radu tužitelja koji je počeo sa radom u septembru 2017. godine.

Ostvarenje pojedinačne norme iznad 100% imala su 22 tužitelja, uključujući i Glavnog tužitelja, dok je normu manju 100% ostvarilo 8 tužitelja, od kojih su tri tužitelja počela sa radom u izvještajnoj godini i još uvijek nisu postigla punu radnu efikasnost.

Potrebno je istaći da bi pojedinačne norme tužitelja, kao i kolektivna norma Tužiteljstva, zasigurno bile veće kada bi se godišnja norma utvrđivala prema objektivnom broju radnih dana tužitelja, a ne na način da se uzima u obzir 11 radnih mjeseci, kao parametar kod utvrđivanja godišnje norme, obzirom da je analizom utvrđeno da je svaki tužitelj odsutan sa posla, što zbog godišnjeg odmora, državnih i vjerskih praznika, što zbog prisustva raznim seminarima i edukacijama, više od 45 radnih dana u toku izvještajne godine. Takođe je nerealno da se u kolektivnu normu uračunava i norma novoimenovanih tužitelja, koji rade manje od 6 mjeseci i ne podliježu obavezi ocjenjivanja, jer nije objektivno da tek imenovani tužitelj, radom na tek zaduženim predmetima i u periodu od samo nekoliko mjeseci rada, ostvari punu radnu efikasnost i očekivanu godišnju normu, čak i kad se radi o preračunatoj normi za vrijeme provedeno na radu.

### **III – OSTVARENI KVALITET RADA TUŽITELJSTVA**

Ostvareni kvalitet rada Tužiteljstva u izvještajnom periodu, uzimajući u obzir Kriterije za ocjenjivanje rada tužitelja, na visokom je nivou, odnosno kada se uzmu u obzir svi predviđeni elementi pojedinačnih ocjena rada tužitelja, primijenjeni na cjelokupan tužiteljski kolektiv, rad Tužiteljstva je ocijenjen izuzetno uspješnim.

Tužiteljstvo, po osnovu kvaliteta tužiteljskih odluka koji iznosi visokih 92,33% za optužnice i 99,20% za negativne tužilačke odluke, kao i po osnovu ostvarene kolektivne norme od 102,33%, ostvaruje maksimalan broj bodova, prema važećim kriterijima za ocjenjivanje rada tužitelja.

Takav rezultat smatramo izuzetno uspješnim, a s obzirom na ranije pomenutu činjenicu da je Tužiteljstvo radilo sa smanjenim kadrovskim kapacitetima, odnosno da je umjesto 33 tužitelja efektivno radilo 27 tužitelja, uključujući u tu brojku i tri novoimenovana tužitelja, te da pored smanjenog broja tužitelja nedostaje ukupno 30 zaposlenika iz kategorije državnih službenika i namještenika.

## IV – AKTIVNOSTI I RAD TUŽITELJSTVA

Svi predmeti protiv punoljetnih i maloljetnih počinitelja, koji su zaprimljeni u toku 2017. godine, kao i neriješeni predmeti iz ranijih godina, predstavljaju predmete koji su se nalazili u radu u Tužiteljstvu, a radi se o ukupno 14.748 predmeta protiv preko 20.000 prijavljenih i osumnjičenih lica, u radu Tužiteljstva u 2017. godini. Aktivnosti Tužiteljstva u okviru zakonitog i nadležnog postupanja, odvijale su se kroz nekoliko faza, pa ćemo statističke pokazatelje iskazati kroz fazu prijave, fazu istrage, fazu optuženja i fazu glavnog pretresa.

### IV-1 Prijave

U toku 2017. godine Tužiteljstvo je zaprimilo, po poznatim počiniocima krivičnih djela, ukupno 2882 prijave protiv punoljetnih lica, zajedno sa prijavama u predmetima ratnih zločina (2016. god. - 3218) i 112 prijave protiv maloljetnih lica (2016. god. - 120), pa je tako ukupno zaprimljeno prijave protiv 3330 lica (2016. god. - 3338), što je za oko 0,2 % manje u odnosu na prethodnu 2016. godinu.

Ovom broju treba dodati i preneseni broj neriješenih prijave po poznatim počiniocima iz ranijih godina i to prijave protiv ukupno 1468 lica (2016. god. - 1758), od čega se na punoljetna lica odnosi 1461 (2016. god. - 1741), a na maloljetna lica 6 (2016. god. - 17), što je za 16.5% manje prenesenih prijave u odnosu na prethodnu godinu.

*Prikazat ćemo ove podatke u tabeli:*

PERIOD	«KT»	«KTM»	UKUPNO:
Preneseno prijave iz ranijih godina	1461	6	<b>1467</b>
Zaprimljeno prijave u 2017. godini	2882	112	<b>2994</b>
<b>UKUPNO U RADU:</b>	<b>4343</b>	<b>118</b>	<b>4461</b>

Iz tabele se vidi da je u izvještajnoj godini, u radu bilo predmeta protiv ukupno 4461 poznatih počinitelja (2016. god. - 5096), od čega se na punoljetne osobe odnosi broj od 4343, a na maloljetne broj od 118.

Analiza strukture kriminaliteta u 2017. godini, pokazuje da je u odnosu na prethodnu 2016. godinu, u pojedinim grupnim zaštitnim objektima Krivičnog zakona, došlo do smanjenja zaprimljenih izvještaja, dok je u drugim došlo do povećanja, posmatrano prema broju podnesenih krivičnih prijave, pa je tako:

- 1. Smanjenje broja podnesenih izvještaja u odnosu na 2016. godinu prikazano po pojedinim Glavama iz Krivičnog zakona:*

Redni broj	Glava krivičnog zakona	Naziv	Broj prijava 2016.	Broj prijava 2017.	Smanjenje u odnosu na 2016.	
1.	XVI	Protiv života i tijela	148	147	↓	0,7%
2.	XVII	Protiv sloboda i prava čovjeka i građanina	196	160	↓	18%
3.	XXI	Protiv zdravlja ljudi	202	178	↓	12%
4.	XXII	Protiv privrede, poslovanja i sigurnosti platnog prometa	132	65	↓	51%
5.	XXV	Protiv imovine	819	724	↓	12%
6.	XXVI	Protiv okoliša, poljoprivrede i prirodnih dobara	385	314	↓	18%
7.	XXVIII	Protiv sigurnosti javnog prometa	130	119	↓	8%
8.	XXXI	Protiv podmićivanja i protiv službene i druge odgovorne funkcije	376	356	↓	5%

2. Povećanje broja podnesenih izvještaja u odnosu na 2016. godinu prikazano po pojedinim Glavama iz Krivičnog zakona:

Redni broj	Glava krivičnog zakona	Naziv	Broj prijava 2016.	Broj prijava 2017.	Povećanje u odnosu na 2016.	
1.	XV	Protiv ustavnog poretka Federacije	1	5	↑	400%
2.	XIX	Protiv spolne slobode i morala	20	33	↑	65%
3.	XX	Protiv braka, porodice i mladeži	206	227	↑	10%
4.	XXIV	Protiv radnih odnosa	7	10	↑	43%
5.	XXVII	Protiv opće sigurnosti ljudi i imovine	63	112	↑	78%
6.	XXIX	Protiv pravosuđa	49	69	↑	41%

Na kraju 2017. godine ostalo je neriješenih prijava protiv 1190 lica (2016. god. - 1473), od kojih 1167 prijava protiv punoljetnih lica (2016. - 1467), dok je u pogledu maloljetničkog postupka ostalo neriješeno prijava protiv 23 lica, što je za oko 20% manje neriješenih prijava u odnosu na prošlu godinu, a što se može smatrati izuzetno dobrim rezultatom, obzirom na ukupan broj prijava u radu i postignute rezultate u prethodnom i tekućem izvještajnom periodu. Ove podatke prikazat ćemo u tabeli:


<b>RIJEŠENE/NERIJEŠENE PRIJAVE U 2017. GODINI - PRIKAZANO PO LICIMA</b>			
<b>Predmeti</b>	<b>U radu</b>	<b>Riješeno</b>	<b>Neriješeno</b>
KT	4343	3176	1167
KTM	118	95	23
<b>UKUPNO</b>	<b>4461</b>	<b>3271</b>	<b>1190</b>

Dakle, u 2017. godini ukupno je u radu bilo prijava protiv 4343 punoljetnih lica (2016. god. - 5096), što je za oko 15% manje u odnosu na prethodnu godinu. Također, ukupno je riješeno prijava protiv 3176 punoljetnih lica (2016. god. - 3492), što je za 9% manje u odnosu na prethodnu godinu, te je ostalo neriješenih prijava protiv 1167 punoljetnih lica (2016. god. - 1467), što je znatno manji broj neriješenih prijava u odnosu na prošlu godinu, sa smanjenjem od 20,5%, ali je u odnosu na proteklu godinu povećan broj neriješenih prijava protiv maloljetnih lica (2016 god. - 6), s tim da je ukupan broj neriješenih prijava manji u odnosu na 2016. godinu za gotovo 20%.

Ostvareni rezultat je posljedica velikog zalaganja tužitelja i drugog osoblja Tužiteljstva, obzirom da je tokom cijele godine s punom radnom aktivnošću radilo 27 tužitelja, te da nedostaje 12 državnih službenika i 18 namještenika, što znači da je sa znatno smanjenom kadrovskom popunjenošću Tužiteljstva, velikim zalaganjem tužitelja, priliv prijava i u toku ove izvještajne godine riješen u procentu od 110,20% i u kontinuiranom je porastu u posljednjih nekoliko izvještajnih godina (2016. - 108,5%; 2015. god. - 100,2%).

Dakle, da je u Tužiteljstvu efektivno radilo predviđenih 33 tužitelja, rezultati glede riješenih prijava bi bili znatno bolji obzirom da, iz činjenice da je 27 tužitelja riješilo ukupno 3271 prijavu, odnosno prosječno po tužitelju 121 prijavu, osnovano se pretpostavlja da bi nedostajućih 6 tužitelja, da su rješavali prosječno po 121 prijavu, riješilo još 726 prijave, što znači da bi riješili još i preko 60% preostalih neriješenih prijava.

Navedeni podaci o smanjenju neriješenih prijava po godinama predstavljeni su u dijagramu:



U toku izvještajne godine, ukupno je u radu bilo prijava protiv 118 maloljetnih lica (2016. god. - 137), od kojih je 112 prijava zaprimljeno u 2017. godini. U izvještajnom periodu riješeno je prijava protiv 95 maloljetnog lica, te je na kraju izvještajne godine ostalo neriješenih 23 prijave, što predstavlja dobar rezultat iako je broj prenesenih prijava veći u odnosu na proteklu godinu, prvenstveno jer se radi o kasnije zaprimljenim prijavama koje objektivno nisu mogle biti riješene zbog uključenosti Centra za socijalnu skrb koji je obavezan prethodno sačiniti i dostaviti socijalnu anamnezu na temelju koje Tužiteljstvo poduzima dalje radnje u postupku, a takođe i kada se uzme u obzir da prema odredbama novog Zakona o zaštiti i postupanju sa djecom i maloljetnicima u krivičnom postupku, tužitelj ima znatno zahtjevniju ulogu, naročito u provođenju pripremih postupaka gdje je tužiteljstvo preuzelo raniju ulogu suda.

## ANALIZA PRIJAVA PREMA VRSTAMA KRIVIČNIH DJELA

U slijedećoj tabeli prikazat ćemo analizu prijava prema vrsti kriminaliteta i prema pojedinim krivičnim djelima:

OPĆI KRIMINAL					
Krivično djelo	Član KZ	Preneseno prijava	Zaprimljeno prijava	Prijava u radu	Riješeno prijava
Šumska krađa	316.	47	285	332	275
Krađa	286.	75	213	288	239
Teška krađa	287.	89	188	277	200
Ugrožavanje sigurnosti	183.	97	143	240	161
Nasilje u porodici	222.	36	185	221	181
Teška krivična djela protiv sigurnosti javnog prometa	336.	47	107	154	113
Posjedovanje i omogućavanje uživanja opojnih droga	239.	32	119	151	138
Neovlaštena proizvodnja i stavljanje u promet opojnih droga	238.	9	58	67	43
Razbojništvo	289.	16	39	55	40
Izbjegavanje izdržavanja	223.	9	28	37	25
Ubistvo	166.	1	20	21	17
Bludne radnje	208.	7	12	20	15
Silovanje	203.	2	4	6	5

PRIVREDNI KRIMINAL I KORUPCIJA					
Krivično djelo	Član KZ	Preneseno prijava	Zaprimljeno prijava	Prijave u radu	Riješeno prijava
Zloupotreba položaja ili ovlaštenja	383.	230	289	519	325
Nesavjestan rad u službi	387.	49	24	73	32
Porezna utaja	273.	26	12	38	24
Pronevjera u službi	384.	18	14	32	20
Prijevarena u privrednom poslovanju	251.	23	8	31	15
Zloupotreba ovlasti u privrednom poslovanju	247.	20	5	25	11
Primanje dara i drugih oblika koristi	380.	3	11	14	12
Davanje dara i drugih oblika koristi	381.	5	4	9	9
Sklapanje štetnog ugovora	252.	5	3	8	6
Nesavjesno privredno poslovanje	242.	7	1	8	-
Lažna porezna isprava	274.	3	0	3	3
Pranje novca	272.	0	1	1	-

## IV-2 Istrage

U toku 2017. godine bilo je ukupno u radu istraga protiv 2873 lica (2016. god. – 3348), odnosno 2283 istraga naređenih u toku izvještajnog perioda i 590 istraga prenesenih iz ranijih godina, od kojih je riješeno istraga protiv 2407 lica, dok je na kraju izvještajnog perioda ostalo neriješenih istraga protiv 466 lica, što je za preko 17% manje u odnosu na proteklu godinu (2016. – 562). Takođe, kao i kod riješenosti priliva prijava, riješenost istraga u ovoj izvještajnoj godini iznosi 105,43%, što je takođe bolji rezultat u odnosu na 2016. godinu, kada je ista iznosila 100,80%.



Navedeni podaci prikazani su u tabeli:

<b>Prenesene istrage</b>	<b>Naređene istrage</b>	<b>Istrage u radu</b>	<b>Riješene istrage</b>	<b>Neriješene istrage</b>
<b>590</b>	<b>2283</b>	<b>2873</b>	<b>2407</b>	<b>466</b>

U izvještajnoj godini doneseno je naredbi o provođenju istrage protiv 2283 lica (2016. god. - 2764), naredbi o neprovođenju istrage protiv 771 lica (2016. god. - 628), te naredbi o obustavi istrage protiv 490 lica (2016. god. - 593).

<b>Odluke</b>	<b>Neprovođenje istrage</b>	<b>Provođenje istrage</b>	<b>Obustava istrage</b>	<b>Neriješene istrage</b>
<b>Broj</b>	<b>771</b>	<b>2283</b>	<b>490</b>	<b>466</b>

Dakle, da je u Tužiteljstvu efektivno radilo predviđenih 33 tužitelja, rezultati glede riješenih istraga bi bili znatno bolji obzirom da, iz činjenice da je 27 tužitelja riješio ukupno 2407 istraga, odnosno prosječno po tužitelju 90 istraga, osnovano se pretpostavlja da bi nedostajućih 6 tužitelja, da su rješavali prosječno po 90 istraga, riješilo još 540 istrage, što znači da bi riješili ukupan broj i novonaređenih istraga i dio prenesenih istraga iz ranijeg perioda.


Posebno ističemo da ostvareni kolektivni kvalitet istraga iznosi visokih 99,20%, što zaista predstavlja izuzetan rezultat, te poboljšanje u odnosu na prethodnu godinu kada je taj procenat iznosio 98,95%.

Broj tužiteljskih odluka, kojima se predmeti završavaju u fazi istrage i ne dolazi do optuženja, glede naredbi o neprovođenju istrage, posljedica su većeg broja podnesenih krivičnih prijava od strane fizičkih i pravnih lica, iz kojih proizilazi da ne postoji osnov sumnje da je krivično djelo izvršeno, pa ni nakon prikupljanja dokaza od strane tužitelja, i veoma često su u pitanju prijave bez ikakvog smisla, gdje se može jedino utvrditi da se radi o nekim subjektivnim doživljajima pojedinca, koje su često posljedica i psihičkog stanja podnosioca prijave, a jednim dijelom se radi o krivičnim prijavama iz kojih se jasno vidi da se radi o građansko-pravnom odnosu, gdje pojedinci nastoje da kroz krivični postupak pokušaju izgubljeno povratiti podnošenjem krivične prijave i eventualnim krivičnim postupkom. Analiza negativnih odluka pokazala je da je oko 40% prijava povodom kojih su donesene negativne tužiteljske odluke, podneseno od strane fizičkih i pravnih lica, a kod naredbi o neprovođenju istrage taj procenat iznosi 45%.

Također, detaljnom analizom negativnih tužiteljskih odluka došlo se i do zaključka da veliki broj prijava u tim predmetima podnose nadležne policijske agencije, što svakako ukazuje na potrebu da se i u predstojećem periodu posveti značajnija pažnja edukaciji i stručnom osposobljavanju i usavršavanju policijskih kadrova, a sve u cilju pripreme što kvalitetnijih izvještaja na osnovu kojih će tužitelji provoditi brže, efikasnije i učinkovitije istrage, što ovo Tužiteljstvo i provodi s ciljem smanjenja negativnih tužiteljskih odluka.

Na kraju izvještajnog perioda ostalo je neriješenih istraga protiv 466 lica, zajedno sa licima za krivična djela ratnog zločina kojih je 12 (2016. god. - 562), što je za preko 17% manje neriješenih istraga u odnosu na proteklu 2016. godinu, a što potvrđuje trend kontinuiranog smanjenja prenesenih istraga u proteklih pet godina.

Navedeni podaci o smanjenju neriješenih istraga po godinama predstavljeni su u dijagramu:



## ANALIZA ISTRAGA PREMA VRSTAMA KRIVIČNIH DJELA

U slijedećoj tabeli prikazat ćemo analizu istraga prema vrsti kriminaliteta i prema pojedinim krivičnim djelima:

OPĆI KRIMINAL					
Krivično djelo	Član KZ	Preneseno istraga	Naređeno istraga	Istrage u radu	Riješeno istraga
Šumska krađa	316.	108	249	357	240
Krađa	286.	28	212	240	225
Teška krađa	287.	44	176	220	183
Nasilje u porodici	222.	20	164	184	169
Posjedovanje i omogućavanje uživanja opojnih droga	239.	4	128	132	127
Teška KD protiv sigurnosti javnog prometa	336.	18	108	126	117
Ugrožavanje sigurnosti	183.	17	104	121	107
Razbojništvo	289.	27	38	65	54
Neovlaštena proizvodnja i stavljanje u promet opojnih droga	238.	5	41	46	39
Izbjegavanje izdržavanja	223.	16	22	38	25
Bludne radnje	208.	4	10	14	13
Ubistvo	166.	6	7	13	8
Silovanje	203.	4	4	4	5

PRIVREDNI KRIMINAL I KORUPCIJA					
Krivično djelo	Član KZ	Preneseno istraga	Naređeno istraga	Istrage u radu	Riješeno istraga
Zloupotreba položaja ili ovlaštenja	383.	32	86	118	93
Pronevjera u službi	384.	1	16	17	8
Nesavjestan rad u službi	387.	6	6	12	10
Prijevarena u privrednom poslovanju	251.	5	6	11	10
Primanje dara i drugih oblika koristi	380.	2	8	10	8
Davanje dara i drugih oblika koristi	381.	0	9	9	7
Zloupotreba ovlasti u privrednom poslovanju	247.	3	1	4	3
Sklapanje štetnog ugovora	252.	0	2	2	2
Porezna utaja	273.	0	2	2	1
Nesavjesno privredno poslovanje	242.	1	0	1	1

### IV-3 Optuženja

Nakon okončanja istrage, tužitelji su podnosili optužnice kod nadležnih sudova, pa ćemo u slijedećoj tabeli prikazati podatke o istim:

Optuženja	Ukupno okončano istraga	Broj podignutih optužnica	Optužnice sa kaznenim nalogom	Optužnice bez kaznenog naloga	Potvrđene optužnice sa kaznenim nalogom	Potvrđene optužnice bez kaznenog naloga
Broj	<b>2407</b>	<b>1878</b>	<b>479</b>	<b>1399</b>	<b>486</b>	<b>1392</b>

Dakle, po okončanju istrage tužitelji su podigli optužnica protiv 1878 lica, od čega je optužnica sa kaznenim nalogom protiv 479 lica, (2016. god - 641), dok je optužnica bez kaznenog naloga podignuto protiv 1399 lica, što je za 100 lica manje u odnosu na prethodnu godinu (2016. god - 1499), a što ukazuje da su istrage vođene za složenija krivična djela, koja u konačnici imaju optužnice bez kaznenog naloga, gdje Tužiteljstvo očekuje bezuvjetne kazne.

U 2017. godini, 27 tužitelja koji su bili radno angažovani tokom cijelog izvještajnog perioda, podigli su 1878 optužnica, odnosno svaki tužitelj prosječno po 70 optužnica, iz čega proizilazi da bi nedostajućih 6 tužitelja podigla još 420 optužnica, što bi zaista bio odličan rezultat.

Od ukupnog broja podignutih optužnica u toku izvještajnog perioda, sudovi u Kantonu su potvrdili optužnice protiv ukupno 1878 lica (2016. god - 2226), nema optužnica čije je potvrđivanje odbijeno, dok za optužnice protiv 96 lica nije donesena odluka o potvrđivanju optužnice u smislu člana 243. Zakona o krivičnom postupku. Treba pojasniti da brojke o potvrđenim optužnicama, obuhvaćaju i podatke o optužnicama podignutim u 2016. godini, po kojima sudovi nisu u toku 2016. godine donijeli svoju odluku.

Cijeneći podatke o broju podignutih optužnica i broju donesenih presuda (osuđujućih, oslobađajućih i odbijajućih), može se reći da je kvalitet podignutih optužnica, kao i ranijih godina, izuzetno dobar i iznosi visokih 92,33%.

Na osnovu istaknutih podataka, može se zaključiti da se, kao i prethodne godine, krivične istrage provode brže, u kraćem roku se dolazi do kvalitetnih tužiteljskih odluka, a time su postignuti dobri rezultati. Na ovaj način se ostvaruje efikasnost u provođenju zakona i ostvaruje osnovna uloga Tužiteljstva u otkrivanju i gonjenju počinitelja krivičnih djela. Usljed ovakvog angažmana tužitelja i svih drugih zaposlenih u Tužiteljstvu, te aktivnosti sudova, brža je krivično-pravna zaštita, što sve u krajnjem odražava efikasniji i ekonomičniji krivični postupak.

Kod tzv. težih krivičnih djela, kao i u ranijem periodu, istrage duže traju, a što je i objektivno, jer je u takvim predmetima potrebno prikupiti veći broj dokaza, provesti različita vještačenja, čak i više vještačenja u okviru jednog predmeta, čime se usporava rad u istrazi i sporije dolazi do tužiteljskih odluka.

#### **IV - 4 Sporazumi**

U toku ovog izvještajnog perioda predloženo je sporazuma o priznanju krivnje sa 56 lica, što je nešto više u odnosu na prethodnu godinu (2016. god - 52). Sudovi su od ukupnog broja podnesenih sporazuma, prihvatili sporazume za svih 56 lica.

Od ukupnog broja zaključenih sporazuma, sudovi su donijeli osuđujuće presude protiv 47 lica, dok za 9 lica nije donesena sudska odluka za predložene sporazume u toku 2017. godine.

## **IV-5 Pritužbe**

U izvještajnoj godini Ured tužitelja je zaprimio ukupno 123 pritužbe (2016. god. – 105) na donesene negativne tužiteljske odluke (naredbe o neprovođenju istrage i naredbe o obustavi istrage), što je za 18 pritužbi više u odnosu na prethodnu godinu, odnosno 17% više uložених pritužbi. Cijeneći broj pritužbi u odnosu na broj donesenih naredbi o neprovođenju istrage i obustavi istrage, ovdje se može konstatovati dobar kvalitet rada tužitelja na ovim odlukama, obzirom da je ukupan broj negativnih odluka bio protiv 1261 lica, što će reći da je pritužbama pobijano svega 9,75% negativnih odluka, što dalje ukazuje da su tužitelji negativne odluke donosili pravilno i zakonito.

Iz ranijeg perioda ostalo je neriješenih 11 pritužbi koje su podnesene nakon 15.12.2016. godine, tako da je ukupno u radu bilo 134 pritužbi, od kojih je tokom izvještajnog perioda riješeno 126 pritužbi i to na način da je 10 pritužbi uvaženo kao osnovane (8% uvažених pritužbi u odnosu na zaprimljenih 123 u 2017. godini), po 3 pritužbe je doneseno obavezno uputstvo te naloženo provođenje istražnih radnji, dok je 111 pritužbi odbijeno kao neosnovane, a 2 pritužbe su odbačene kao nedopuštene ili neblagovremene, što znači da je odbijeno i odbačeno ukupno 113 pritužbi, dok je na kraju izvještajnog perioda ostalo neriješeno 8 pritužbi, koje su zaprimljene nakon 15.12.2017. godine.

U toku 2017. godine, Federalnom tužiteljstvu je po pravu nadzora, upućeno 20 zahtjeva radi ispitivanja odluke Glavnog tužitelja o odbijanju pritužbe, od kojih je 18 odbijeno kao neosnovano, odnosno potvrđene su odluke Glavnog tužitelja kao zakonite i pravilne, dok je po 2 zahtjeva za preispitivanje odluke Glavnog tužitelja, Federalno tužiteljstvo ocijenilo da su tužiteljske odluke preuranjene i da treba poduzeti dodatne radnje, da bi po preduzimanju naloženih dodatnih radnji, prvobitne odluke postupajućih tužitelja i Glavnog tužitelja takođe bile potvrđene kao pravilne i zakonite.

## **IV-6 Sudske odluke**

Prvostepeni sudovi su, po optužnicama koje su podignute u ranijem periodu kao i po optužnicama podignutim u toku 2016. godine, donijeli ukupno presuda protiv 2100 lica na način da je presuđeno osuđujućom presudom 1900 lica (od toga je 5 sudskih opomena), oslobađajućom presudom 149 lica, te je donesena 51 odbijajuća presuda.

Dakle, kvalitet osuđujućih presuda u 2017. godini zadržan je na približnom nivou, tako da one čine 90,5% svih donesenih presuda (2016. – 92%), dok je procenat oslobađajućih i odbijajućih presuda povećan za oko 1,5%. Za 36 lica postupak je obustavljen sudskom odlukom.

Na sljedećoj tabeli ćemo prikazati prvostepene presude po vrstama sankcija:

UKUPAN BROJ DONESENIH PRESUDA	OSUĐUJUĆE PRESUDE					Oslobađajuće presude	Odbijajuće presude
	Sudske opomene	Zatvorske kazne	Novčane kazne	Uvjetne osude	Oslobađanje od kazne		
2100	5	385	27	1478	5	149	51
100%	0,24%	18,33%	1,29%	70,38 %	0,24%	7,09%	2,43 %
<b>1900</b>							
<b>90,48 %</b>							

Iz naznačene tabele proizilazi da su sudovi u Kantonu, u izvještajnoj godini, izrekli ukupno osuđujućih presuda protiv 1900 lica (2016. god. - 2054), uključujući 5 sudskih opomena i 5 osuđujućih presuda gdje je izvršilac oslobođen od kazne, a da su prema vrstama izrečenih sankcija utvrđene slijedeće sankcije: zatvorske kazne protiv 385 lica ili 18,33% (2016. god. - 25,41%), novčane kazne protiv 27 lica ili 1,29% (2016. god. - 1,56%) i uvjetne osude protiv 1478 lica ili 70,38% (2016. god. - 72,78%).

Analizom naprijed navedenog broja i vrste izrečenih kazni iz prethodnog perioda, može se zaključiti da se ukupan procenat zatvorskih i novčanih kazni, kao i uvjetnih osuda blago smanjio u odnosu na proteklu 2016. godinu.

Tužiteljstvo će i u 2018. godini, nastaviti svoje aktivnosti kako bi došlo do značajnijeg pooštavanja kaznene politike, a prije svega kod povratnika, posebno specijalnih povratnika, zatim za pojedine vrste krivičnih djela, te kod produženih krivičnih djela.

Od ukupno optuženih punoljetnih lica, kako iz ranijih godina, tako i iz 2017. godine, na prvostepenim sudovima je ostalo nepresuđenih 1653 lica, što je manje nego u protekloj godini, a čemu je prethodio veliki broj glavnih pretresa kojima su tužitelji prisustvovali, ukupno 5704 ročišta, od toga je 67,00% ročišta izvan sjedišta Tužiteljstva, odnosno 3810 ročišta pred nadležnim sudovima izvan Zenice.

## V- RIJEŠENOST PRIJAVA I ISTRAGA

### PRIJAVE

Kod **prijava** koje nisu starije od dvije godine, Tužiteljstvo je riješilo ukupno 2061 prijava starih do dvije godine i to: 1539 prijave sa starošću do jedne godine i 522 prijava starijih od jedne godine, dok je sa starošću do dvije godine ostalo neriješenih ukupno 644 takvih prijava i to: 494 prijava starija do jedne godine i 150 prijave starije od jedne godine, odnosno gotovo 22% manje neriješenih prijava u odnosu na 2016. godinu (827).

#### RIJEŠENE PRIJAVE U TOKU 2017. GODINE

PERIOD	Do 1 godine	> 1 godine	> 2 godine	> 3 godine	> 4 godine	> 5 i više godina
KT	1405	462	82	35	3	1
KTPO	96	43	29	13	4	0
KTK	33	16	10	17	5	3
KTRZ	5	1	0	0	0	1
<b>UKUPNO</b>	<b>1539</b>	<b>522</b>	<b>121</b>	<b>65</b>	<b>12</b>	<b>5</b>

Dužina rješavanja prijava okončanih u 2017. i prethodnoj 2016. godini prikazana je u tabeli po vrstama predmeta:

#### DUŽINA TRAJANJA PRIJAVA RIJEŠENIH U TOKU 2017. / 2016. GODINE

PREDMETI	2016	2017
KT	122	127
KTPO	149	256
KTK	462	465
KTM	93	81
<b>UKUPNO/PROSJEK</b>	<b>130</b>	<b>147</b>

### ISTRAGE

U pogledu **istraga** koje nisu starije od dvije godine, Tužiteljstvo riješilo ukupno 1694 istraga sa starošću do dvije godine i to: 848 istraga koje nisu starije od 6 mjeseci, 258 istrage starije od 6 mjeseci do jedne godine i 588 istraga starijih od jedne godine, a neriješeno je ostalo ukupno 305 takvih istraga i to 223 istrage koje nisu starije od 6 mjeseci, 41 istraga starija od 6 mjeseci do jedne godine i 41 istraga starije preko jedne godine.



RIJEŠENE ISTRAGE U TOKU 2017. GODINE							
PERIOD	Do 6 mjeseci	Do 1 godine	>1 godine	> 2 godine	> 3 godine	> 4 godine	> 5 i više godina
KT	820	249	555	71	28	9	6
KTPO	17	6	21	4	5	2	4
KTK	11	3	11	7	7	3	4
KTRZ	0	0	1	0	0	0	1
UKUPNO	848	258	588	82	40	14	15

Dužina trajanja istraga okončanih u 2017. i prethodnoj 2016. godini prikazana je u tabelama po vrstama predmeta:

#### DUŽINA TRAJANJA ISTRAGA RIJEŠENIH U TOKU 2017. / 2016. GODINE

PREDMETI	2016	2017
KT	60	70
KTPO	177	192
KTK	147	212
UKUPNO/PROSJEK	65	77

## VI - MALOLJETNIČKI KRIMINAL

Imajući u vidu značaj i ulogu Tužiteljstva u cilju ostvarivanja svoje funkcije, daje se veliki doprinos na sprečavanju pojave socijalne patologije i kriminaliteta kod maloljetnika. Stoga imamo obavezu da brzo i efikasno rješavamo predmete maloljetničke delinkvencije, te na taj način preventivno djelujemo na sprečavanje i suzbijanje ove vrste kriminala koji je veoma štetan za društvo u cjelini. Imajući u vidu specifičnosti ove vrste kriminala, a prije svega zbog starosne dobi počinitelja krivičnih djela i njihove ličnosti, kompletan postupak kod ove vrste počinitelja provodi se sa naročitom oprežnošću i osjetljivošću, a u skladu sa relativno novim Zakonom o zaštiti i postupanju sa djecom i maloljetnicima u krivičnom postupku.

Isti način postupanja je i kod donošenja tužiteljskih odluka tj. kod procjene, koja od mjera se treba poduzeti prema maloljetnim delinkventima, jer je osnovni princip postupanja da se ostvari proces resocijalizacije, odnosno vraćanje maloljetničkih delinkvenata u normalan život, te njihovog odvratanja od vršenja krivičnih djela, a ne represija. Stoga, rijetki su prijedlozi Tužiteljstva da se prema maloljetnim počiniocima krivičnih djela izrekne maloljetnički zatvor, osim kod najtežih oblika krivičnih djela, posebno što je za takve prijedloge potrebno da se ostvari više zakonom propisanih kumulativnih uvjeta.

Kompletna aktivnost Tužiteljstva, u ovoj oblasti, koordinirana je sa predstavnicima Ministarstva unutarnjih poslova, te sa predstavnicima Centara za socijalni rad po općinama u Kantonu, koji imaju specifičnu zakonsku ulogu u ovom postupku, zbog čega je suradnju sa istima potrebno još više unaprijediti, kako bi se postigli još bolji rezultati u ostvarenju predviđenih ciljeva.

Za ova krivična djela je u 2017. godini:

- podneseno zahtjeva za pokretanje pripremnog postupka protiv 22 lica (2016 - 38);
- iz ranijih perioda nije bilo prenesenih zahtjeva za pokretanje pripremnih postupaka (2016. - 2);
- sudovi su donijeli odluku o nepokretanju postupka za prijave podnesene protiv 57 lica (2016. - 69), a od tih malodobnih lica, njih 7 su djeca koja nisu krivično odgovorna (2016. - 4 );
- obustava postupka nije bilo (2016. - 8)
- podneseno prijedloga za izricanje vanzavodske mjere protiv 19 lica (2016. - 27)
- nije bilo podnesenih prijedloga za izricanje kazne maloljetničkog zatvora (2016. - 0) dok je za 2 lica podnesen prijedlog za izricanje zavodske mjere i za 19 lica su podneseni prijedlozi za izricanje vanzavodske mjere
- u skladu sa Zakonom o zaštiti i postupanju sa djecom i maloljetnicima u krivičnom postupku, protiv 6 lica je odobreno izricanje mjere policijskog upozorenja (2016. - 9).

U toku izvještajne godine, sudovi su riješili maloljetničkih postupaka po prijedlozima Tužiteljstva protiv 15 lica, (2016. god. - 20), a od toga nije bilo izrečenih kazni maloljetničkog zatvora (2016. god. - 0), za 14 lica su izrečene vanzavodske mjere (2016. god. - 19) i zavodska mjera za 1 lice, kao i prethodne godine. Istovremeno, postupak je obustavljen protiv 1 maloljetnog lica (2016. god. - 8).

Iz iznesenih podataka vidljivo je da se u 2017. godini, u odnosu na prethodnu, značajno smanjio broj zahtjeva za pokretanje pripremnih postupaka, za 42%, broj izrečenih vanzavodskih mjera se takođe smanjio za 26%, dok se broj odluka suda o nepokretanju postupka protiv maloljetnih izvršilaca krivičnih djela smanjio za 17%.

Istovremeno, uočljivo je da se u odnosu na 2016. godinu u ovoj godini značajno povećao procenat donesenih odluka o nepokretanju postupka iz razloga jer se radilo o djeci, za čak 75%.

Također, kod sudova je ostao neriješeni predmet protiv 1 maloljetnog lica u fazi pripremnog postupka (2016. god. - 0).

Ovdje je veoma važno istaći da je novim Zakonom o zaštiti i postupanju sa djecom i maloljetnicima u krivičnom postupku, kojim je predviđena znatno veća uloga tužitelja kod procesuiranja maloljetnih lica i u radu na krivičnim predmetima gdje je dijete ili maloljetnik oštećen krivičnim djelom. Zakonom je predviđeno je niz novina koje zahtijevaju ulaganje znatnih materijalnih sredstava za nabavku tehničke opreme, prostornog uređenja za zakonito provođenje radnji ispitivanja i saslušanja maloljetnih lica i sl., a što je u potpunosti obezbijeđeno u novoj zgradi Tužiteljstva.

Kontinuiranom ostvarenju dobrih rezultata i u 2017. godini u ovom segmentu postupanja Tužiteljstva, svakako je doprinijelo i formiranje posebnog Odsjeka za maloljetnički kriminal u toku 2015. godine, u kojem postupaju tri tužitelja koji su, kao i svi drugi tužitelji, prošli propisanu stručnu obuku i dobili potrebne certifikate za postupanje u predmetima u kojima učestvuju djeca i maloljetna lica, u skladu sa Zakonom o zaštiti i postupanju sa djecom i maloljetnicima u krivičnom postupku.

## **VII - PREDMETI KTA**

Tokom izvještajnog perioda Tužiteljstvo je zaprimilo ukupno 1651 predmet koji su zavedeni u KTA upisnik (2016. god. - 1650), što je isti broj novootvorenih KTA u odnosu na prethodnu izvještajnu godinu znatno.

Od ukupnog broja KTA predmeta koji su se nalazili u radu i to 2599 predmeta (2016. god. - 2351), riješeno je 1427, što je povećanje riješenih predmeta u odnosu na 2016. godinu za oko 2% (2016. godine je riješeno 1403 KTA predmeta), a ostalo je neriješeno 1172 predmeta (2016. god. - 948), pa se može zaključiti da su tužitelji kod rješavanja ovih predmeta, koji obuhvataju i anonimne prijave za čije rješavanje se ulaže mnogo truda i vremena, i u ovoj godini pokazali izuzetno dobre rezultate.

## **VIII – PREDMETI KTN - NEPOZNATI POČINIOCI**

U toku 2017. godine zaprimljena je ukupno 816 prijava za počinjena krivična djela po nepoznatim počiniocima (2016. god. - 1101), što je za 26% manje KTN prijave u odnosu na prethodnu godinu, dok je iz ranijeg perioda ostalo neriješeno ukupno 6585 prijava protiv nepoznatih počinitelja.

U toku izvještajnog perioda, po ovom osnovu, ukupno je bilo u radu 7401 prijava, od kojih je ukupno riješeno 965 prijava, dakle 22% više u odnosu na proteklu godinu (2016. god. - 793 prijave), a na kraju izvještajnog perioda ostalo je ukupno 6436 neriješenih prijava (2016. god. - 6585). Analizom rješavanja prijava po nepoznatim izvršiteljima može se zaključiti da je, kao i prethodne godine, uprkos smanjenju broja novopristiglih prijava za 26%, i dalje prisutan trend velikog broja krivičnih prijava protiv nepoznatih počinitelja.

Tokom 2018. godine neophodno je, kao i u prethodnoj izvještajnoj godini, nastaviti kontinuirani rad na predmetima protiv nepoznatih počinitelja u cilju smanjenja broja ovih krivičnih prijava, a posebna pažnja će biti usmjerena na teža krivična djela po nepoznatim počiniteljima (ubojstva, razbojništva i sl.).

## IX - AKTIVNOSTI NA RJEŠAVANJU PREDMETA IZ RANIJIH GODINA

Kantonalno tužiteljstvo Zeničko-dobojskog kantona je tokom 2017. godine, kao i prethodne godine, veliku pažnju posvetilo rješavanju predmeta iz ranijih godina, što je ujedno bio i jedan od strateških ciljeva iz Plana i programa rada Tužiteljstva za 2017. godinu. Radi ostvarenja navedenog strateškog cilja sačinjeni su posebni Planovi rješavanja starih predmeta i praćena je realizacija istih. Aktivnosti preduzete na ovom planu imale su za posljedicu aktivan rad tužitelja, koliko su dozvoljavale objektivne okolnosti, s tim da će se ove aktivnosti kontinuirano nastaviti i tokom 2018. godine donošenjem novih planova za rješavanje predmeta iz starijih godina i praćenjem realizacije istih. U intenzivnim aktivnostima na rješavanju starih predmeta u periodu od novembra 2016. do augusta 2017. godine pomoć u rješavanju starih predmeta su pružala i pet pravnih suradnika i suradnika, koja su angažovana na period u okviru USAID-ovog projekta "Podrška pravosuđu u BiH, dok je nakon augusta nastavljen angažman za 1 pravnog suradnika i jednog suradnika.

U toku izvještajnog perioda, u ovom Tužiteljstvu je, u skladu sa Planom rješavanja starih predmeta, u radu ukupno bilo 229 predmet starijih od dvije i više godina, od kojih 92 KTA predmeta i 137 KT predmeta i to 42 predmeta u fazi istrage i 95 predmeta u fazi prijave. Tužiteljstvo je na kraju izvještajne godine u realizaciji Plana za rješavanje starih predmeta ostvarilo rezultat od 95,63% (2016. – 73,56%), odnosno riješeno je 219 predmeta od njih 229, što je izuzetno dobar rezultat, s obzirom na smanjeni kapacitet angažovanih tužitelja.

U skladu sa Planom za rješavanje starih predmeta na dan 31.12.2016. godine, neriješenih KT predmeta u fazi istrage je bilo ukupno 42 predmeta i to: 24 predmeta starija od dvije godine, 7 predmeta starijih od tri godine, 5 predmeta starijih od četiri godine i 6 predmeta starijih od pet i više godina. U fazi prijave je ukupno bilo 95 neriješenih predmeta i to: 71 predmet stariji od dvije godine, 15 predmeta starijih od tri godine, 2 predmeta starija od četiri godine i 7 predmeta starijih od pet i više godina.

Tokom 2017. godine riješeno je 128 starih KT predmeta, pa je na kraju 2017. godine ostalo neriješenih 5 predmeta u fazi prijave, što znači da je riješeno 95% prijava u radu, a u fazi istrage su ostala 4 neriješena predmeta, dakle riješeno je 40 predmeta koji su na dan 01.01.2016. godine bila u fazi istrage, kao i 46 predmeta koja su u toku 2017. godine prešla u fazu istrage, što znači da je u toku 2017. godine ukupno riješeno 86 istraga u starim predmetima, što čini 205% riješenih istraga u odnosu na inicijalni broj istraga u Planu za 2017. godinu.

Realizacija Strateškog cilja rješavanja starih KT predmeta, ostvarena je u procentu od 117% u odnosu na postavljeni ciljani rezultat smanjenja broja neriješenih KT predmeta starijih od dvije godine za 80% u odnosu na broj zabilježen 31.12.2016. g.

STARI KT PREDMETI U 2017. GODINI	PRIJAVE	ISTRAGE			UKUPNO
		Istrage na dan 1.1.2017.	Istrage otvorene u toku 2017.	Istrage ukupno	
PLAN	95	42	-	42	137
REALIZACIJA	90	40	46	86	128
	<b>95%</b>	<b>95,2%</b>	-	<b>205%</b>	<b>93,5%</b>

Svi stari neriješeni predmeti u fazi istrage i u fazi prijave nisu okončani iz objektivnih razloga, nedostupnosti osumnjičenih koji nisu ispitani od strane OSL iz kojih razloga nema uvjeta za raspisivanje potjernica za istim, nedostupnost svjedoka kao ključnih dokaza u postupku, sporost u rješavanju naših zahtjeva za pružanje međunarodne pravne pomoći, te neraspologanje dovoljnim brojem kvalitetnih i ažurnih vještaka ekonomske struke iz kog razloga finansijska vještačenja u KTK i KTPO predmetima traju izuzetno dugo i često se vraćaju na dopunu, a nekad zahtijevaju i dodatno vještačenje iz druge struke.

## X - AKTIVNOSTI PO PREDMETIMA IZ OBLASTI RATNIH ZLOČINA

Shodno utvrđenim obavezama iz Državne strategije za rad na predmetima ratnih zločina, i tokom 2017. godine, ovo Tužiteljstvo je nastavilo sa kontinuiranim kvalitetnim radom na predmetima ratnih zločina. Postupanje Tužiteljstva je usklađeno sa postupanjem Tužiteljstva BiH, odnosno propisanim obavezama iz Državne strategije za rad na predmetima ratnih zločina.

Obzirom na smanjeni broj predmeta u radu, kao i činjenicu da već duže vrijeme Tužiteljstvo BiH, ne prenosi nove predmete u nadležnost ovog Tužiteljstva u skladu sa kriterijima složenosti predmeta prema Državnoj strategiji za rad na predmetima ratnih zločina, u 2017. godini je na referatu ratnih zločina radio samo jedan tužitelj, kojem su u radu asistenciju i pomoć pružala dva stručna suradnika angažovana u maju 2016. godine putem IPA projekta, dok je jedan daktilograf angažovan od septembra 2017. godine.

U ovoj izvještajnoj godini iz oblasti krivičnih djela protiv čovječnosti i vrijednosti zaštićenih Međunarodnim pravom, ukupno je u radu bilo 8 prijava protiv

10 lica, koje su ujedno i novozaprimljene prijave u toku 2017. godine, obzirom da iz ranijeg perioda nije bilo prenesenih prijava.

Tokom izvještajnog perioda riješeno je 7 predmeta u fazi prijave protiv 9 lica, na način da je za 5 lica donesena naredba o provođenju istrage, dok je protiv 4 lica donesena naredba o neprovođenju istrage. Na kraju 2017. godine ostala je jedna neriješena prijava protiv 1 lica.

U ovoj izvještajnoj godini u 4 predmeta je donesena naredba o provođenju istrage protiv 5 lica, a iz ranijeg perioda prenesene su 4 istrage protiv 11 lica, tako da je ukupno u radu bilo 8 istraga protiv 16 lica. Po okončanim istragama, donesena je 1 naredba o obustavi istrage protiv 3 lica, te je podignuta 1 optužnica protiv 1 lica. Dakle, prema navedenim podacima, na kraju izvještajne 2017. godine u radu je ostalo 6 neriješenih istraga protiv 12 lica, te je realizacija plana za rješavanje KTRZ predmeta ratnih zločina za 2017. godinu ostvarena u procentu od 83,33%.

Kantonalni sud u Zenici je u ovoj godini izrekao 5 prvostepenih presuda, oslobađajuće za 3 lica i osuđujuće protiv 2 lica, sa izrečenim kaznama zatvora u ukupnom trajanju od 4 godine. Protiv oslobađajućih presuda je uložena žalba, od kojih je jedna usvojena, a za preostale dvije uložene žalbe odluke suda još uvijek nisu donesene.

U toku cijele godine tužitelj koji postupa u predmetima ratnih zločina zastupao je podignute optužnice na glavnom pretresu pred Kantonalnim sudom u Zenici, pred kojim je održano ukupno 33 ročišta, na kojima je saslušano 37 svjedoka.

Analizom postignutih rezultata, može se reći da su tokom ovog izvještajnog perioda, postignuti relativno dobri, obzirom da je i tokom 2017. godine ovo Tužiteljstvo uspjelo riješiti gotovo sve novopristigle prijave, od kojih je ostala neriješena samo jedna prijava, dok je broj neriješenih istraga nešto povećan u odnosu na proteklu godinu.

Osim naznačenog, u okviru ove nadležnosti su se poduzimale aktivnosti i u predmetima ratnog zločina pod oznakom KTARZ i KTNRZ.

Iz ranijih godina preneseno je 40 KTARZ predmeta, dok je tokom godine zaprimljeno još 47 novih predmeta, tako da je u radu ukupno bilo 87 KTARZ predmeta. Tokom izvještajnog perioda riješeno je 12 predmeta, a neriješeno je ostalo 75 predmeta koji se uglavnom odnose na ekshumacije i identifikacije.

Tokom godine u radu je bilo i 47 predmeta po nepoznatim licima, od kojih je 37 predmeta preneseno iz ranijeg perioda, a tokom izvještajnog perioda je zaprimljeno novih 10 predmeta. U toku izvještajnog perioda riješeno je 28 predmeta protiv nepoznatih lica, te je ostalo neriješeno 19 predmeta u kojima se provode istražne radnje.

## XI - AKTIVNOSTI PO PREDMETIMA PRIVREDNOG KRIMINALA

U toku 2017. godine zaprimljeno je prijava protiv ukupno 479 lica za krivična djela iz oblasti privrednog kriminala i korupcije (krivično djelo primanje dara i drugih oblika koristi, zloupotreba položaja ili ovlaštenja, nesavjestan rad u službi, porezna utaja, obmana pri dobivanju kredita, nedozvoljena trgovina, krivotvorenje službene isprave, pronevjera u službi, prevara u privrednom poslovanju i druga). U odnosu prethodnu 2016. godinu, broj prijava za ova krivična djela je smanjen za 11% (2016. god. – 539 prijava), dok je iz ranijeg perioda preneseno prijava protiv 473 lica, tako da je u radu bilo prijava protiv 952 lica, što je za 1% prijava u radu manje u odnosu na protekli izvještajni period (2016. god. – 965 prijava).

Tokom 2017. godine otvorena je istraga protiv 179 lica (7,2% više u odnosu na 2016. godinu, kada je otvoreno istraga protiv 167 lica), a iz ranijeg perioda preneseno je istraga protiv 84 lica, tako da se u toku 2017. godine vodilo istraga protiv 263 lica.

Tokom izvještajnog perioda ukupno je riješeno prijava protiv 592 lica, što je u odnosu na proteklu godinu 22% više riješenih prijava (2016. god. - 485 lica), te je riješeno istraga protiv 198, što je takođe povećanje od 10% u odnosu na 2016. godinu (2016. god. - 180 lica). Na kraju izvještajnog perioda ostalo je neriješeno prijava protiv 360 lica, dakle 25% manje u odnosu na proteklu godinu (2016. god. - 480 lica) i neriješenih istraga protiv 65 lica, odnosno 23% manje neriješenih istraga u odnosu na 2016. godinu (2016. god. - 84 lica), te su podignute optužnice protiv 108 lica, što takođe predstavlja povećanje broja optuženih lica u odnosu na protekli izvještajni period od preko 30% (2016. god. - 52 optužnica protiv 83 lica).

Optužnice su podignute protiv 37 lica zbog krivičnog djela zloupotrebe položaja ili ovlaštenja, protiv 7 lica zbog krivičnog djela pronevjera u službi, protiv 6 lica zbog krivičnog djela nesavjestan rad u službi, protiv 13 lica zbog krivičnih djela primanje i davanje dara i drugih oblika koristi, protiv 7 lica zbog krivičnog djela prijave u privrednom poslovanju, protiv 9 lica zbog krivičnog djela obmana pri dobijanju kredita ili drugih pogodnosti, protiv 10 lica zbog krivičnog djela nedozvoljena trgovina i dr. Od ukupnog broja podignutih optužnica protiv 108 lica, potvrđeno je njih 98 u toku 2017. godine, dok za preostalih 10 lica nisu donesene odluke suda o potvrđivanju do kraja izvještajnog perioda.

Analizom optuženja u 2017. godini, za krivična djela zloupotrebe položaja ili ovlaštenja i nesavjesnog rada u službi, u pogledu posebnog svojstva optuženih lica (službene ili odgovorne osobe), utvrđeno je da su 2 lica optužena za počinjeno krivično djelo u vršenju funkcije načelnika općine i 2 lica u vršenju funkcije pomoćnika načelnika, 12 lica u svojstvu direktora javnih preduzeća i ustanova, 5 lica u svojstvu djelatnika ministarstva, 1 lice u svojstvu službenika-višeg referenta u MUP-u, 1 lice u svojstvu policijskog službenika MUP-a, 6 lica u svojstvu službenih i odgovornih lica u javnim preduzećima, 14 lica u svojstvu direktora privatnih preduzeća, i dr.

Sudovi su tokom 2017. godine donijeli osuđujuće presude protiv 67 (2016. god. –82 lica), kojim su izrečene zatvorske kazne protiv 7 lica, uvjetne osude protiv 60 lica (2016. god. – 62 lica), nije bilo izrečenih novčanih kazni, dok su za 15 lica donesene oslobađajuće presude, za 3 lica su donesene odbijajuće presude, te rješenja o obustavi postupka u odnosu na 2 lica, pa se može konstatovati da su osuđujuće presude zastupljene u procentu od 77%, od ukupno donesenih presuda za ova krivična djela.

Kvalitet optužnica u predmetima privrednog kriminala iznosi 92%, a u predmetima korupcije 94,3%, dok kvalitet istrage u predmetima privrednog kriminala iznosi visokih 98%, a u predmetima korupcije maksimalnih 100%.

## XII - OBUSTAVLJENI POSTUPCI ZBOG ZASTARJELOSTI GONJENJA

U skladu sa uputama Visokog sudbenog i tužiteljskog vijeća BiH, u izvještaju ćemo posebno brojčano pokazati obustavljene postupke zbog zastarjelosti krivičnog gonjenja, kako slijedi:

Vrsta predmeta	Obustavljanje postupka-apsolutna zastarjelost gonjenja	Obustavljanje postupka-relativna zastarjelost gonjenja	Ukupno
KT	10	7	17
KTN	50	136	186
<b>Ukupno</b>	<b>60</b>	<b>143</b>	<b>203</b>

Iz naznačenih podataka se vidi da je u 17 KT predmeta (2016. god. – 11) postupak obustavljen zbog zastarjelosti krivičnog gonjenja, a do zastarjelosti krivičnog postupka je, kao i ranijih godina, u svim predmetima došlo iz razloga što je prijava, odnosno izvještaj o počinjenju krivičnog djela dostavljen Tužiteljstvu nakon proteka roka za relativnu, odnosno apsolutnu zastarjelost krivičnog gonjenja.

Dakle, do zastarjelosti krivičnog gonjenja u KT predmetima je došlo iz objektivnih razloga.

Kod predmeta sa nepoznatim počiniocem, u 50 KTN predmeta (2016. god. – 10) je nastupila apsolutna zastarjelost krivičnog gonjenja, dok je u 136 KTN predmeta (2016. god. – 28) obustavljen postupak zbog nastupanja relativne zastarjelosti krivičnog gonjenja, takođe sve iz objektivnih razloga.



### XIII- ZADUŽENJE TUŽITELJA

U 2017. godini prosječan broj zaduženih predmeta po tužitelju iznosio je 455 predmeta, uključujući sve vrste predmeta koji su tužitelji imali u radu, a isključujući predmete novoimenovanog tužitelja koji je počeo raditi u septembru, kao i predmete Glavnog tužitelja i Zamjenike glavnog tužitelja, koji imaju i druge vrste zaduženja osim rada na predmetima, tako da je u ovoj izvještajnoj godini 11 tužitelja imalo broj zaduženih predmeta veći od prosječnog broja, dok je njih 15 imalo manji broj predmeta od prosječnog zaduženja, a radi se o tužiteljima Odjela I, koji rade na referatu privrednog kriminala i korupcije i koji inače zadužuju manji broj predmeta sa većom orijentacionom vrijednošću. Raspodjela i zaduženje tužitelja predmetima vršena je ravnomjerno tokom cijele izveštajne godine, a postojeća odstupanja su posljedica zaduženja tužitelja predmetima za vrijeme obavljanja dežure, na što se objektivno ne može utjecati, kao i činjenica da su tužitelji Odjela II, u čiju nadležnost spadaju imovinski delikti, zaduženi većim brojem predmeta po nepoznatim počiniteljima. Navedena odstupanja nisu izražena u tolikoj mjeri i nema tužitelja sa značajno manjim ili većim brojem zaduženih predmeta, osim tužitelja koji radi na predmetima ratnog zločina i zadužuje manji broj predmeta te vrste.

<b>UKUPNO PROSJEČNO ZADUŽENJE TUŽITELJA u periodu od 01.01.2017. do 31.12.2017. godine</b>		
Prosječan broj zaduženih predmeta na nivou Tužiteljstva	Broj tužitelja sa većim zaduženjem od prosječnog	Broj tužitelja sa manjim zaduženjem od prosječnog
<b>455</b>	<b>11</b>	<b>15</b>

Analizirano po prijavama i istragama podaci su prikazani tabelarno:

<b>PROSJEČNO ZADUŽENJE TUŽITELJA - PRIJAVE u periodu od 01.01.2017. do 31.12.2017. godine</b>		
Prosječan broj zaduženih predmeta u fazi prijave na nivou Tužiteljstva	Broj tužitelja sa većim zaduženjem od prosječnog	Broj tužitelja sa manjim zaduženjem od prosječnog
<b>365</b>	<b>11</b>	<b>15</b>

<b>PROSJEČNO ZADUŽENJE TUŽITELJA - ISTRAGE u periodu od 01.01.2017. do 31.12.2017. godine</b>		
Prosječan broj zaduženih predmeta u fazi istrage na nivou Tužiteljstva	Broj tužitelja sa većim zaduženjem od prosječnog	Broj tužitelja sa manjim zaduženjem od prosječnog
<b>90</b>	<b>10</b>	<b>16</b>


## XIV – SUDSKE ODLUKE

Sudovi su, po optužnicama podignutim u izvještajnom periodu te po optužnicama iz ranijih godina u kojima nije bila donesena prvostepena presuda, donijeli presude protiv 2100 punoljetnih lica (2016. god. - 2232). Tokom izvještajnog perioda sudovi su donijeli i 36 sudskih odluka koje se odnose na obustavu postupka, pa je ukupan broj sudskih odluka 2136.

Po vrstama presuda u 2017. godini, sudovi su donijeli ukupno prvostepenih osuđujućih presuda protiv 1900 punoljetnih lica, uračunavajući i izrečene 3 sudske opomene (2016. god. - 2054), što je manje za 154 lica u odnosu na prethodnu godinu, dok je oslobađajućih presuda doneseno protiv 149 punoljetna lica (2016. god. - 124), kao i 51 odbijajuću presude (2016. god. - 54). Udio oslobađajućih i odbijajućih presuda u ukupnom broju donesenih presuda iznosi oko 9,5%, dok su osuđujuće presude, u odnosu na oslobađajuće i odbijajuće presude, zastupljene sa 90,50%, što je približno na nivou prošlogodišnjeg rezultata.

Pokazatelji	Osuđujuće presude	Oslobađajuće presude	Odbijajuće presude	UKUPNO
Brojčani iznos	1900	149	51	2100
Procentualni iznos	90,48%	7,09%	2,43 %	100%

Struktura osuđujućih presuda u 2017. godini prikazana je na slijedećem grafikonu:



Protiv prvostepenih presuda u izvještajnoj godini od strane Tužiteljstva je uloženo žalbi u odnosu na 209 lica (2016. god. - 183), dok je iz ranijih godina ostalo neriješeno žalbi u odnosu na 105 lica, tako da je u radu bilo ukupno žalbi protiv 314 lica, od kojih su drugostepeni sudovi riješili ukupno 264 žalbe. Od svih riješenih žalbi, uvaženo je žalbi u odnosu na 131 lice (2016. god. - 27). Žalbe su odbijene takođe u odnosu na 131 lice, u odnosu na 2 lica žalbe su odbačene, dok je kod drugostepenih sudova ostalo neriješenih žalbi u odnosu na 50 lica. Dakle, od ukupno riješenih 264 žalbe od strane drugostepenih sudova, 50% žalbi je uvaženo, a 50% odbijeno.

Što se tiče žalbi druge strane u postupku, odnosno odbrane i eventualno oštećenog, takvih žalbi je uloženo od strane 175 lica, od kojih su uvažene 23 žalbe (13%), a odbijeno 77 (44%), 1 žalbeni postupak je obustavljen, dok je 74 žalbi ostalo neriješeno.

Posebno ističemo da kvalitet tužiteljskih odluka iznosi visokih 92,33%, a prema propisanim parametrima za njegov izračun koji uzimaju u obzir broj i vrstu pravosnažnih sudskih odluka u odnosu na broj podignutih optužnica i prijedloga za izricanje vaspitnih mjera i maloljetničkog zatvora.

## **XV - REZIME**

Zahvaljujući angažovanosti tužitelja koji su obavljali svoju funkciju u okviru zakonskih ovlaštenja, izvršavanjem zadataka postavljenih u okviru istraga, optuženja, žalbenog postupka, te preduzimajući mjere i radnje u cilju zakonitog, kvalitetnog, ažurnog i efikasnog rada, kao i doprinosu drugih uposlenika Tužiteljstva, postignuti su izuzetno dobri rezultati, obzirom na kadrovsku nepopunjenost. Naročita pažnja poklanjala se provođenju istraga, prikupljanju relevantnih dokaza, te kvalitetu optužnica, tako da je zahvaljujući sveukupnom angažmanu postignut rezultat koji je očekivan.

Kao poseban uspjeh treba istaći postignuti kvalitet tužiteljskih odluka i to kvalitet optužnica u procentu od 92,33%, kvalitet istraga u procentu od 99,20%, naročito što se ovakvi rezultati bilježe u kontinuitetu u posljednjih 10 godina, kao i postignutu bolju efikasnost u radu na predmetima iz oblasti ratnih zločina, privrednog kriminala i maloljetničkog kriminala, predmeta iz ranijih godina, što se vidi iz Izvještaja.

Tokom 2017. godine ovo Tužiteljstvo je ostvarilo kolektivnu normu od 102,33%, dok najveća pojedinačno ostvarena norma iznosi 189,70%, a najmanja iznosi 30,27%, s napomenom da se radi o preračunatoj normi za vrijeme provedeno na radu tužitelja koji je počeo sa radom u septembru 2017. godine.

Glede kvaliteta rada Tužiteljstva u izvještajnom periodu, a shodno Kriterijima za ocjenjivanje rada tužitelja, može se reći da je isti bio na visokom nivou, obzirom da je Tužiteljstvo i sa znatno smanjenim kadrovskim kapacitetom uspjelo ostvariti kolektivnu normu od 102,33% i da se prema ostvarenim bodovima rad Tužiteljstva kvalificira kao izuzetno uspješan.

Tokom izvještajnog perioda od ukupno riješenih predmeta, sukladno Pravilniku o vremenskim okvirima za postupanje u predmetima u sudovima i tužiteljstvima u BiH, u predvidivom roku riješeno je 77% predmeta, a sa prekoračenjem predvidivog roka riješeno je 22% predmeta, dok su u optimalnom roku riješena 1082 predmeta.

Takođe, u ovom izvještajnom periodu, od ukupnog broja neriješenih predmeta, 37% neriješenih predmeta je sa prekoračenjem predvidivog roka, a 63% neriješenih predmeta je bez prekoračenja predvidivog roka.

Prioritet u radu su imali: predmeti iz oblasti privrednog kriminala i korupcije, predmeti ratnog zločina, stari predmeti, predmeti u kojima su osumnjičeni bili u pritvoru (91 punoljetnih lica, što je povećanje za preko 102% u odnosu na 2016. godinu), te maloljetnički predmeti.

Iz naprijed navedenog slijedi da bi ovo Tužiteljstvo imalo u potpunosti ažurno stanje, da su predviđeni kadrovski kapaciteti bili popunjeni.

Godišnji Plan rada Tužiteljstva za 2017. godinu je, kao i prethodne godine, u potpunosti bio usklađen sa Strateškim okvirom za Tužilački sistem Federacije Bosne i Hercegovine za period 2016. – 2018. godina, kojim su definirana tri strateška cilja:

- ❖ Smanjiti broj starih predmeta;
- ❖ Povećati efikasnost i kvalitetu rada tužiteljstava i
- ❖ Povećati transparentnost i povjerenje građana u rad tužiteljstava.

Za sva tri strateška cilja definiran je set ciljanih rezultata za koji su utvrđeni indikatori realizacije za period 2016. – 2018. godina.

Tužiteljstvo je uspješno realiziralo sve postavljene ciljane rezultate iz Plana rada i Strateškog okvira kroz smanjenje broja starih predmeta, povećanje efikasnosti i kvalitete rada Tužiteljstva, te povećanje transparentnosti i povjerenja građana u rad Tužiteljstva, te su svi ciljani rezultati Tužiteljstva ostvareni iznad ciljeva postavljenih za Tužiteljski sistem Federacije Bosne i Hercegovine za 2017. godinu.

Ovo Tužiteljstvo je tokom izvještajne godine u potpunosti odgovorilo na sve zahtjeve javnosti u smislu blagovremenog i objektivnog obavještavanja javnosti o aktivnostima Tužiteljstva, te se blagovremeno odgovaralo i na sve podnesene zahtjeve u skladu sa Zakonom o slobodi pristupa informacijama FBiH, kojih je u 2017. godini ukupno bilo 157, dakle za 7% više zahtjeva u odnosu na proteklu godinu kada je bilo ukupno 147 zahtjeva za pristup informacijama, što ukazuje na veću zainteresovanost javnosti za rad Tužiteljstva.

Posebno treba istaći da su u izvještajnoj godini nastavljene aktivnosti na uređenju Arhiva Tužiteljstva, te su poduzete sve mjere u skladu sa Zakonom o arhivskoj građi Federacije BiH.

Ovo Tužiteljstvo je i tokom 2017. godine, a s ciljem jačanja tužiteljskih kapaciteta u krivično-pravnom sistemu, u suradnji sa VSTV-om, poduzimalo aktivnosti u okviru USAID-ovog projekta "Podrška pravosuđu u BiH", u okviru kojeg je Tužiteljstvo dobilo sredstva za angažovanje pet pravnih suradnika za podršku i pomoć u rješavanju starih predmeta, na period od šest mjeseci, te je po isteku angažmana, isti produžen za dva pravna suradnika.

## **XVI - PLANIRANE AKTIVNOSTI ZA NAREDNU GODINU**

Da bi se ostvarili dobri rezultati i u 2018. godini, bit će potrebno svakodnevno i kontinuirano poduzimati mjere i aktivnosti koje će dovesti do postizanja tog cilja i to:

- Ostvariti planiranu realizaciju Plana i programa rada za 2018. godinu, po postavljenim pojedinačnim strateškim ciljevima:
  - Smanjenje broja neriješenih KT predmeta starijih od dvije godine;
  - Smanjenje broja neriješenih KTA predmeta starijih od dvije godine;
  - Skraćenje prosječne dužine trajanja predmeta;
  - Povećanje omjera osuđujućih presuda u odnosu na broj podignutih optužnica;
  - Smanjenje omjera uvaženih u odnosu na uložene pritužbe na negativne odluke;
  - Smanjenje broja neriješenih prijava;
  - Smanjenje broja neriješenih istraga;
  - Smanjenje broja ispitanika koji imaju negativnu percepciju o radu Tužiteljstva;
  - Povećanje broja komunikacijskih kanala;
- Održati i povećati dostignuti stepen efikasnosti i kvaliteta u radu, posebno u rješavanju predmeta privrednog kriminala i koruptivnih krivičnih djela, predmeta ratnog zločina, te predmeta iz ranijih godina,

- Popunjavanje tužiteljskih pozicija prema Odluci VSTV-a o povećanju broja istih, za dva nova tužitelja,
- Popunjavanje radnih mjesta državnih službenika i namještenika prema odobrenom Pravilniku, prije svega stručnih suradnika,
- Donošenje novih pravilnika i drugih potrebnih internih pravila i procedura, te ažuriranje postojećih,
- Rad u novom TCMS-u, usavršavanje TCMS-a i prilagođavanje stvarnim potrebama rada u Tužiteljstvu, te efikasnijem vođenju svih evidencija,
- Kontinuirano stručno, te informatičko usavršavanje tužitelja i drugog osoblja,
- Praćenje i rad u skladu sa Pravilnikom o orijentacionim mjerilima za rad tužitelja u tužiteljstvima u Bosni i Hercegovini,
- Praćenje i rad u skladu sa Pravilnikom o vremenskim okvirima za postupanje u predmetima u sudovima i tužiteljstvima u BiH i Odlukom o predviđivim rokovima,
- Praćenje i rad u skladu sa Kriterijima za ocjenjivanje tužitelja u BiH.

Zenica, 31. januar 2018. godine  
Broj: A-I-1/2018

**GLAVNI TUŽITELJ**  
**Vesna Kaknjo**

